



BOSNA I HERCEGOVINA
FEDERACIJA BOSNE I HERCEGOVINE
BOSANSKO-PODRINJSKI KANTON GORAŽDE
MINISTARSTVO ZA OBRAZOVANJE, NAUKU,
KULTURU I SPORT

BOSNIA AND HERZEGOVINA
FEDERATION OF BOSNIA AND HERZEGOVINA
BOSNIAN-PODRINJE CANTON GORAZDE
MINISTRY OF EDUCATION, SCIENCE,
CULTURE AND SPORT

БОСНА И ХЕРЦЕГОВИНА
ФЕДЕРАЦИЈА БОСНЕ И ХЕРЦЕГОВИНЕ
БОСАНСКО-ПОДРИЊСКИ КАНТОН ГОРАЖДЕ
МИНИСТАРСТВО ЗА ОБРАЗОВАЊЕ, НАУКУ,
КУЛТУРУ И СПОРТ

Broj: 10- 38- 1383-1/11
Goražde, 31.03.2011. godine

Na osnovu člana 8. Zakona o ministarskim, vladinim i drugim imenovanjima Federacije Bosne i Hercegovine («Službene novine Federacije BiH», broj: 12/03), Ministarstvo za obrazovanje, nauku, kulturu i sport Bosansko-podrinjskog kantona, *o b j a v l j u j e*:

O G L A S *na upražnjene pozicije u reguliranim tijelima*

1.Školski odbor Javna ustanove Osnovna škola «Ustikolina» Ustikolina,
1.1.Predsjednik Školskog odbora (iz reda osnivača)

Opis pozicija

Školski odbor je odgovoran za utvrđivanje i provođenje politike škole, generalno rukovođenje radom škole i efikasno korištenje kadrovskih i materijalnih resursa. Članovi odbora biraju se iz reda nastavnika i stručnih saradnika, osnivača škole, lokalne zajednice i roditelja u skladu sa zakonom propisanom procedurom, a po principu ravnopravne zastupljenosti predstavnika navedenih struktura. Sastav odbora mora odražavati nacionalnu strukturu učenika i roditelja, školskog osoblja i lokalne zajednice, onako kako ona u datom trenutku izgleda prema popisu stanovništva i BiH 1991 godine. Vršenje dužnosti člana odbora je dobrovoljno i bez naknade.

Po isteku jednog mandata člana Školskog odbora od četiri godine moguć je reizbor na samo još jedan mandat.

U prijavi na oglas kandidati su dužni naznačiti u ime koga se kandiduju (iz reda osnivača, nastavnika, roditelja ili lokalne zajednice)

Opći uslovi za imenovanje

- da su državljani BiH
- da su stariji od 18 godina
- da nisu otpušteni iz državne službe kao rezultat disciplinske mjere na bilo kojem nivou u BiH, u periodu od tri godine prije objavljivanja upražnjene pozicije,

- da nisu na funkciji u političkoj stranci u smislu člana 5. Zakona o ministarskim, vladinim i drugim imenovanjima F BiH («Službene novine FBiH», broj: 12/03),
- da nisu članovi organa zakonodavne, izvršne ili sudske vlasti ili savjetnici u smislu Zakona o sukobu interesa u institucijama vlasti BiH («Službeni glasnik BiH», broj: 16/02,14/03,12/04 i 63/08),
- da nemaju privatni /finansijski interes u instituciji u kojoj se kandiduje,
- da nisu osuđivani za krivično djelo i za privredni prijestup, pet godina od pravosnažnosti presude,
- da nisu stariji od 70 godina na dan imenovanja.

Posebni uslovi za imenovanje

- za imenovanje predsjednika Školskog odbora iz reda osnivača škole. Svi zainteresovani kandidati trebaju imati najmanje 5 godina radnog iskustva u struci nakon sticanja visoke,odnosno više stručne spreme,
- za imenovanje člana odbora iz reda osoblja škole – nastavnika. Svi zainteresovani kandidati trebaju ispunjavati uslove za nastavnika škole,a biraju se prema ovjerenom prijedlogu Nastavničkog vijeća škole koji se mora priložiti uz prijavu na oglas,
- za imenovanje člana odbora iz reda lokalne zajednice i roditelja, svi kandidati trebaju imati najmanje srednju stručnu spremu, te da uživaju određeni ugled u sredini u kojoj djeluju, a biraju se na ovjereni prijedlog Vijeća roditelja škole, odnosno lokalne zajednice, koji se prilaže uz prijavu,
- da nije član više od jednog upravnog ili nadzornog odbora,
- preporuke ranijih neposrednih rukovodilaca, naročito u oblasti obrazovanja vaspitanja djece i omladine,
- sposobnost za savjesno i odgovorno obavljanje upražnjene pozicije,
- sposobnost nepristrasnog donošenja odluka,
- komunikacijsku i organizatorske sposobnosti.

Potrebni dokumenti

- Prijava kandidata na javni oglas sa kraćom biografijom, adresom i kontakt telefonom
- Uvjerenje o državljanstvu (ne starije od 6 mjeseci ili ovjerenu kopiju CIPS-ove lične karte)
- izvod iz matične knjige rođenih(ne starije od 6 mjeseci)
- uvjerenje o nevođenju krivičnog postupka izdato od strane nadležnog Općinskog i kantonalnog suda (ne starije od tri mjeseca)
- Ovjerenu kopiju diplome
- Uvjerenje o radnom iskustvu u struci(za predsjednika)
- Prijedlog Nastavničkog vijeća škole, prijedlog Vijeća roditelja škole, odnosno lokalne zajednice)

Nije dozvoljena diskriminacija prema bilo kojem od kandidata na temelju rase, nacionalnog ili etničkog porijekla, boje, vjere, spola, bračnog statusa ili porodičnog statusa, invalidnosti ili zbog postojanja osude na koju je izrečeno pomilovanje.

Podnosilac prijave sa kojim se ne stupi u kontakt u roku od 10 (deset) dana od isteka roka za podnošenje prijava, neće biti uzete u razmatranje u daljnjem procesu nominiranja, bez posebnog dostavljanja odbijenice.

Svi kandidati koji budu stavljeni na listu sa užim izborom bit će pozvani na intervju pred komisijom za izbore. Kandidati su dužni dati podatke o ranijim neposrednim rukovodiocima od kojih se mogu dobiti preporuke i informacije o kandidatima i popuniti obrazac u kojem će iznijeti bilo koje pitanje koje bi moglo dovesti do sukoba interesa u slučaju da dođe do njegovog imenovanja. Obrasci se mogu dobiti u Ministarstvu za obrazovanje, nauku, kulturu i sport Bosansko-podrinjskog kantona Goražde.

U postupku konačnog izbora prednost imaju kandidati koji u potpunosti ispunjavaju opće i posebne uslove i posjeduju veći stepen stručne spreme.

Lični podaci o podnosiocima prijava su tajni i mogu se prikupljati i obrađivati samo u skladu sa Zakonom o zaštiti ličnih podataka BiH.

Kandidati koje nakon intervjuja preporučí Komisija za izbor smatrat će se da su najuspješnije prošli otvorenu konkurenciju.

U slučaju kada postoje dokazi da u postupku imenovanja nisu ispoštovani principi i postupci utvrđeni Zakonom o ministarskim, vladinim i drugim imenovanjima F BiH, bilo koji kandidat ili bilo koji član javnosti može podnijeti prigovor na konačno imenovanje. Prigovor se podnosi Ministru kao ovlaštenom javnom službeniku, a kopija se dostavlja Ombudsmenu F BiH.

Oglas za podnošenje prijava ostaje otvoren 15 dana od dana posljednjeg objavljivanja.

Prijave sa traženim dokumentima treba dostaviti lično ili preporučenom poštom sa naznakom «PRIJAVA NA OGLAS NA - NE OTVARATI», na adresu:

***Bosansko-podrinjski kanton Goražde
Ministarstvo za obrazovanje, nauku, kulturu i sport
Komisija za izbor
Višegradska 2a
73 000 Goražde***

Nepotpune, neuredne i neblagovremene prijave neće se uzeti u razmatranje.

MINISTRICA

mr.sci. Alma Delizaimović